

Neix Couh dwg Gou

— 这 — 就 — 是 — 我 —

武鸣县太平镇庆乐小学三年级 韦荣根



ndeui caiq diuq hwnjdaeu, song fwngz yungh rengz dawz aengiu, ndek coh lamzgien, “nde, youh ndek roengz aen ndeu!” Gou angq dwk hemq hwnjdaeu.

Gou lienh dwk lamzgiuz yienghneix swnhfwngz, hoeng hagsib doiq gou daeu gangj caen dwg nanz dai lo. Hwnjdangz seiz, gou caemh nyinhcaen dingqgangj, gaenx yaengxfwngz fazenz, yijvwnz lauxsae hix ciengzciengz haenh gou ne. Hoeng moix baez sij cozyez, sij ndaej fwngz mazmwnh liux lo, lij mboujcaengz sij liux, caen nyapnyuk. Doenghgij cozyez hawj baema ranz guh haenx, gou mbouj sij gvaq geij baez. Daxboh daxmeh guhhong nyaengq raixcaix engqgya mboujmiz seizgan genjcaz gij cozyez gou lo. Haet daihngieh daeujaengz hagdangz, cujchang hemq gyau cozyez lo, gou couh dadaengx bak ajloengloeng. Gyoengq doengzhag doxcaemh cuj haenx cungj gvaq gou.

“Mwngz vih gijmaz mbouj sij cozyez ha? Dwgaengz mwngz lo!” Cujchang fwngz vix haeu laeng gou daeu naeuz.

“Aen cuj raeuz caiq ngaiz gaeu bae 5 faen lo!” Vangz Mingz hujdengdeng dwk naeuz. “Caeuq mwngz doxcaemh cuj caen cuij lo!” Gij doengzhag ndaw cuj mwngz gangj coenz gou gangj gawq, gou dingq ndaej najhoengz rwzyag. Gou ngeix: Baezlaeng itdingh aeu guh cozyez liux bae, mbouj ndaej hawj aencuj raeuz gaeu faen lo. Hoeng, daengz sij cozyez seiz, gou youh gik hwnjdaeu lo, cijgoq guh’angq.

Hai, neix couh dwg gou, ukgyaeu cinglingz hoeng gig manzgyaengj.

(指导老师: 韦春明 黄春菊)

Gou dwg daeg lwgmbauq manzgyaengj ndeu, 9 bi lo, doeg sam nienzgaep. Aen ndangdaej gou cangqewtwt, youq ndaw ban dwg suenq boux maj ndaej sang lo. Aennaj gou luenzlulu, dienheiq baez hwnq hwnjdaeu, song mbiengj gemj couh hoengzotfot, lumj song aen mak bingzgoj.

Gou gyaez dwk lamzgiuz mbouj haeng hagsib. Lingz roengzdangz baez yiengj, gou couh lumj duzroeg daj ndaw roengq cuengq okdaeu haenx bongh ok gyausiz, buet coh giuzcangz, lienh daiqgiuz, ndeklamz. Ye, ndek roengz aengiu, ndeu, caiq ndek aen dem ba! Gou sien daiqgiuz buetdaengz laj lamz, song fwngz gaem ndaet aengiu, song ga mauq roengzdaeu di



Gienh Saeh Nanzlumz Ndeu

难忘的一件事

环江县思恩镇清潭小学五年级 覃菲菲

Geiq ndaej ngoenz sihgiz seiq banhaet, mbwn laepngaungau, ngoenzneix dwg gou caeuq geij boux doengzhag cizyiz, sojyij couh gipgip muengzmuengz byaij bae hagdangz.

Goengmbwn caen mbouj rox guh vunz, gou ngamq baij haeu bakdou hagdangz, naed-fwn lumj duhhenj neix couh daj gwnzmbwn dida dida doek roengzdaeu, yaep he fwn naed couh bienq baenz fwnraq. Fwn yied doek yied hung, gou naemj: Ngoenzneix miz lauxsae diegrog daeu hagdangz raeuz dingqgo, gyoengq doengzhag hix cingq bae hwnjdangz, gyoengqde itdingh mbouj dawz liengj, danghnaeuz gyoengqde deng fwn rwed couh mbouj ndei lo, roxnaeuz vih neix baenzbingh ne……Siengj daengz gizneix, gou couh ciucomz geij boux cizyiz duigan, doiq gyoengqde naeuz: “Ngoenzneix fwn doek, hojnaengz miz di lauxsae caeuq doengzhag mbouj dawz liengj daeu, raeuz dawz liengj daengz bakdou cieq gyoengqde ba!” Gyoengq doih cungj doengzeiq, yienghneix, dou couh dawz haujai liengj bae daengz bakdou hagdangz. Dahraix, miz haujai lauxsae caeuq doengzhag ndwn youq laj yiemhranz bakdou hagdangz ndoj fwn. Muengh gijyiengh simgip gyoengqde, dou sikhaek hengzdoengh hwnjdaeu, gang liengj soengq lauxsae caeuq doengzhag, daj bakdou hagdangz daengz gyaulyozlaeu, youh daj gyaulyozlaeu daengz bakdou hagdangz, youq gyang neix dou mboujrox byaij liux geijlai baez. Doeklaeng dawz gij lauxsae caeuq doengzhag sihyau bangcoh haenx cungj soengq daengz dieg lo.

Yienznaeuz mbwn miz di nit, hoeng dou moix soengq boux lauxsae roxnaeuz boux doengzhag ndeu, gyoengqde cungj doiq dou naeuz “docih”, couh dwg sing youh sing “docih” neix, hawj dou gamjdaengz raeurub raixcaix.

Fwn dingz lo, daxgoeng daengngoenz ok-daeu lo, ndaw hoengheiq gyuemluemz fwndoek sat gij heiq namh homfwtfwt haenx, gij heiq nei mbin henz ndang gou, de lumj doiq dou gangj: “Ngoenzneix sou guh le gienh saeh ndei ndeu. Sou caen dwg Leiz Fungh lij lix, gig liux mbouj hwnj ha!”

(指导老师: 彭凤如)

Cwng Haijyaz Soengq Laex “Roek It” Hawj Lwgnyez Mbanjyauz

郑海霞给瑶乡留守儿童送“六一”礼物

5 nyied 26 hauh, Cauhbingz Yen gawjhengz “boux soengq gyaez” fat bingsuh yizsi, cingj boux dwk lamzgiuz ak guek raeuz Cwng Haijyaz guh “boux soengq gyaez” Cauhbingz Yen.

Ngoenzhaenx, Cwng Haijyaz daiq gij simgyaez mbanj giyez caeuq mbanj boux simndei, haeu ndaw rungh Cauhbingz Yen bae, daengz Senhweiz Yauzcuz Yang Mauzbingz Siujyoz, soengq laex “roek it” hawj gyoengq hagseng bohme ok rog dajgoeng haenx, lij ciuheuh gyoengqvunz gwnz sevei gvnsim, ndiepgyaez gyoengq nyez bohme okrog dajgoeng mbouj youq ranz haenx.

(刘飞 罗智勇)



▲ Cwng Haijyaz fat saw hawj Mauzbingz Siujyoz hagseng.



▲ 5 nyied 26 hauh, youq Cauhbingz Yen Senhweiz Yauzcuz Yang Mauzbingz Siujyoz, hagseng bang Cwng Haijyaz raeu hungz-lingjinh.



▲ Cwng Haijyaz ciem mingz roengz gwnz lamzgiuz bae le, soengq hawj Mauzbingz Siujyoz hagseng.